




火流星

風陵文庫  
文庫19  
F327  
乙



火流星卷二目錄下

入宮垂訓筆錄

丙午十一月初三日鍾氏家訓

成道垂訓筆錄

己酉正月十二日鍾氏家訓

己酉六月初四日鍾氏家訓

己酉六月初五日章氏家訓

己酉七月初四日孫氏家訓

己酉七月初七日蕭氏家訓

己酉九月初五日鍾氏家訓

己酉九月初八日繆氏家訓

己酉九月初八日姚氏家訓

己酉十月初一日鍾氏家訓

附己酉九月初九日牟尼文佛詔

附己酉七月十一日純陽祖師諭

附己酉七月十九日明陽祖師諭

火流星卷二

玉清左相承佑帝君法賢轉運妙道天尊明陽祖師命輯  
總理天下文壇玉相贊化天尊兼歸源宮提調柳 校訂

慧敏道人率化安彙纂

入宮垂訓筆錄

丙午年十一月初三日鍾遠菴公温太夫人家訓

聯班叩穹蒼。

詔頒降吉祥。鸞翔塵寰地。猶覺御鑪香。

呂純陽降。

孔子云。慎終追遠。民德歸厚矣。夫人子之事親也。生者孝敬不虧。以父母之心爲心。以父母之行爲則。體察音問。時省寒暑。雖生前之孝道如此。既歿矣。豈可置諸不理不問乎。是以孔子云。慎終追遠。其意終旣慎遠。不追乎。而爲人子者。生事之以禮。死葬之以禮。祭之以禮。三者備。猶慮親魂莫安。升沈未卜。如之何。使親安。則人子心稍定矣。雖今神教大開。問親有所訊。親有盤。尙覺人子之心未盡也。何哉。我親已安。親之親曾安否。親心不安。卽子心不安。能使三代安靈。

於天上。人子則享受於人間。事親之道。人所難及。吾亦難言矣。今日鍾子之雙親同歸。偕同令元配夫人以同來。大約申初已令柳仙約去矣。轉瞬光陰十餘春。輪迴猶畏到而今。二世醒覺如夢裏。不叩。

神恩墮沈淪。

吾鍾遽菴奉命返家。作骨肉之團聚。敘未了之因緣。自辭塵後。悠悠忽忽。前有小童引導。後有土神隨身。至城隍案下。校對平素功過。對畢仍行。至一關。名曰。

陰陽界至一署名曰一殿判發司。當卽傳喚而入。考較生平事跡。可取者可罰者。互相抵銷。幸功過平平。令我居於候發司。入內滿日蕭條。一身孤淒。欲語無人。欲行無地。而楚楚淒淒之景。至今言之。目淚心酸。如此半年之久。得冥王之札飭。使我易地而居。又至一所。名曰十殿轉輪所。而其中之路徑夾雜。有非常之鬧熱者。有悽慘莫明者。有喧鬧不堪者。有清靜寡聞者。大概十數徑。而人之往來各異。有衣冠整齊者。有錦衣繡裳者。有挑負往來者。有衣裳襤褸者。有僧

有道。有男有女。尙有披毛戴角。人面獸衣。種種不一。不知何故。旣到此。有一年最尊者。導之而入。覺其黑暗無明。恍恍惚惚。行之久。見一線之光。久之。大明。聞人聲嚷嚷。眼啟而視之。又爲人間之男子也。旣而後。心爲之昏。前世事竟不知也。如此光陰。將近十春矣。前十月廿七日午刻。游於後園之中。井邊一照。後覺有人力撲之。則身墮井中。不知不覺。飄飄然神清氣爽。徑往前上。所見大非曩日。覺天清氣白。行未數武。來一髻雙叉一小童。曰奇哉奇哉。汝胡爲而來哉。妙

矣。妙矣。師候之久矣。汝與吾往見。則信步一宮。名曰玉清。入晉見一道衣道冠執劍執塵者上座。呼吾名命之曰。我純陽也。汝子慧敏屢叩吾前。求其超拔。是以收汝之愆。免汝之過。受汝之記。成汝之真。收居宮右。養其元氣。培其至寶。俟返本入宮之日。送修彼處。今午正默神運氣。忽柳仙召之曰。隨吾歸乎。雙騎鶴背。降於塵封。晤骨肉之面。覺動兒女之情。吾不禁大咽。今既返矣。筆請稍停。胡不令媳孫輩一見。今日也。遇奇緣。得其時。歸根有自。返本有由。入宮後各有

所修。欲敘天倫之樂。則難矣。趁其時。不可不著一言。夫人之在世。應修己之本。爲後人之法。或讀或耕。不可光陰混過。教忠教孝。名留萬古。芬芳惜有用之錢。積子孫之福。家庭和。百事順。子孫賢。書香接。事事留心。言言謹慎。勿驕勿貪。勿欺勿詐。素乎位而行。雖有不美。亦可爲安。汝其記乎。莫負此囑。而汝之母曰。男子以忠孝爲本。婦女以柔順爲佳。莫自大以矜誇。莫驕傲以侮人。有女當教。媳當示以規模。助夫興家。從儉起。教子成名。由嚴來。豈可愛之而不勞乎。愛之不

勞。非真愛。嚴加教之。乃愛之真也。况婢女僕婦。皆由命薄。應待之以寬。勿使氣以凌人。至若育女育子。卽孕而不育。皆由命也。莫怪人之不經。神之不力。應助夫以爲善。隨時以立功。自然麒麟下降。不但生子。兼望抱孫。而皇天無親。惟德是輔。此一定不移之理。及兄弟間。須和。只有今生手足。並無來世弟兄。須親愛以和睦。則天倫盡矣。然宦游各方。莫存異志。而親愛情不可無。兄弟之好不可滅。及教子輩。此理更應發明。莫爲後日誤也。今蒙入宮修道。雖汝之善功可嘉。

莫非神聖之力。自今以始。以吾言爲式。况汝之元配楊氏。亦同歸來。他並無言。惟囑汝酒少飲。神自惜。看淡紅塵。莫貪名利。修本身之福果。悟玄關之妙諦。知足常樂。修己修福。教子教孫。作家庭之規則。爲後人之鑒觀。保重己身。愛惜精神。再者逢吉等。應體父志。莫自荒自嬉。教媳孝敬。待弟和睦。莫時以母念。應自修持。乃佳。目下蒙大士保證。得入宮之修持。此恩此德。永世銘感。今日奉命歸來。作骨肉之團聚。入宮之大慶。苟能煉通玄妙。道得大乘。必以大士之法。

爲法。度盡眾生之願。爲願。來時已久。今日。大士與  
呂祖。引領吾壇弟子等。謁見  
西天佛老。講論大乘道法。不能久延。恐誤西天之良因  
矣。去。

成道日期垂訓筆錄

己酉年正月十二日鍾濠菴公温太夫人家訓

新正天子賀春王。劉仙

潁川堂上放毫光。柳仙

十二花神都下界。何仙

南山慶祝詠霓裳。呂祖

宣統元年歲在己酉。立春之時。爲

聖天子

御極之元。乃吾友。鍾君明陽夫婦成道之吉。是日也。



雲呈五色氣象萬千。仙佛聯班于碧漢。神人共祝於華堂。只因靈根不昧。成如九轉之丹。道德功深。修到千年之壽。眼界與識界兼具。受想與夢想俱除。紫府棲真。丹邱隸籍。了了塵心。姍姍仙骨。幾度牙籤玉軸。凡緣了一劫之塵。者番霞珮雲裳。慧業締三生之石。行見待從分班。話風光於此際。爲祝鍾君上壽。醉春色於今朝。從茲駿德普敷。心懷葵向。鴻庥遠布。澤被芸生。永保

帝道遐昌。

皇圖鞏固。雪印鴻泥。銘垂萬古。呂純陽何一陽公祝。鍾君夫婦均於酉刻復位。吾等遊鳳棲去也。

皇天無親。惟德是輔。仙樂齊鳴。鸞翔鳳翥。一絲不挂。天地爲伍。功滿果圓。同歸玉宇。吾乃

玉清宮清華殿左相明陽祖師承佑帝君法賢轉運。妙道天尊如意光明壽佛鍾籙菴是也。

嘆人生不再。歲月如流。大夢初回。蟠桃又熟。吾自漢唐歷劫以來。二千餘年矣。原來法宗

老祖賢聖心傳。轉天地生殺之柄。運日月消長之權。妙

諦蘊藏腹內。道德授自關中。

天帝恩寬。尊吾左相。宮修飯元。逍遙自在之天。洞居無極。清靜無爲之地。超出三十三天之外。無情卻勝有情。名列二十四相之中。有相還歸無相。自愧無功。何能到此地步。子孫培果。方能復履天墀。雖汝等之培植。實。呂帝之鴻慈也。此劫自有生以來。自幼及壯。由壯而老。數十年光陰。如箭射雁影。挽之莫留。土而幕。幕而官。東奔西馳。甘苦備嘗。雖餘田百畝。仍是妙手空空。幸兒孫不壞。續我門楣。亦不幸中之大幸也。今

日雖是我成道之期。實我母苦之日。哀哀父母。爲我劬勞。汝等有吾。吾豈無父母乎。吾前在川省。見有願體集一書。意欲刊刷送人。事行中止。汝探聽湖北有是板否。如有。卽刷二千部。了我平生之願。再刻。

太上十三經註三千零四十八部。超爾祖父母歸元。再將吾生前手筆。以及宮中講道各節。順次刊成一書。名曰火流星。此款候吾歸位之後。札飭黃金殿主宰。暗爲填寫可也。請夫人上盤垂訓。悟覺三生夢。恍朗記前途。平生何所業。非道亦非儒。

電光歸石火。今吾認故吾。陰陽還造化。包羅太極圖。  
昔日行皆假。今朝果證無。鏡臺勤拭拂。依樣畫葫蘆。  
吾乃

北斗宮紫英殿。憫世元君。未曾開言。珠淚先落。曾學  
天人。亦登蓮座。吾本紅閨弱質。綺閣姣娃。久生東土。  
不識西方。性秉山川之秀。理窮詩禮之精。眼懸冰鑑。  
胸有智珠。避兵燹於東吳。隨夫榮於西蜀。孝順傳家。  
和睦訓俗。而今顧影自憐。當仁不讓。幸兒孫滿地。功  
德彌天。十熱一夢。寸陰百年。意惹情牽。難解糾纏之

戀。法鼓頻催。始識當年之誤。於是悟幻影于三生。復  
本真於一旦。與其浪死虛生。何若迴光返照。從此四  
大皆空。無壽者相。六根不壞。現女兒身。玉潔冰清。漫  
入無雙之譜。風來月到。永皈不二之門。惟願連枝姊  
妹。休沈滾滾情波。同氣芝蘭。跳出茫茫孽海。悟到圓  
明覺性。精修寂滅元宗。時已迫矣。不克久訓。吾等同  
呂何二仙返本。柳仙判示去。  
父母同日成道。乃千古之奇遇。此鍾子之大孝感格。  
以致有此勝會。可喜可賀。

己酉年六月初四日鍾秋晚公陳太夫人家訓  
徐徐薰風送鸞飛降塵中。蘭香留餘韻。最愛海棠紅。  
呂純陽降。時維己酉六月季夏之際。爲鍾子之祖  
父母返本復源。先作小引。以記其事。木之根。水之源。  
猶人之性也。人之性。千百世而猶在。人之氣。億萬年  
而不磨。猶木根水源。皆有一定之基礎。不致匆匆而  
生。渺渺而滅者。若亡若存。猶善不善也。善則不滅不  
磨。不善則時消時散。皆有一定不移之機焉。推而求  
之。人之性。卻有由來。人自不覺耳。如世世盡善。不難

返本。世世不善。必至無形。先本難于歸源。猶幸

三清之大典。

玉帝之慈仁。有返本之宮。有煉性之堂。稍有根基者。得  
聖神之提攜。後人之超薦。無不歸源返本矣。今日也。  
乃鍾公體勤及陳夫人。修煉有素。果功不缺。故得  
無邊之仁慈。返本歸源。亦歷代未遇之奇緣也。况此  
時花甲二週。子孫繁衍。五福之洪恩普降。四世之功  
果畢結。亦云幸矣。豈不樂歟。吾先行慶祝。以爲鍾  
體勤公賀。亦爲鍾子慶矣。

仍我本來面。歸源道已深。不沒亦不滅。永保精氣神。  
吾乃鍾秋晚。偕陳氏夫人來也。  
千歲光陰。渾然如昨。五世坎坷。匆忙猶記。人生石火  
電光。日月如梭似水。惜修道未早。幸回頭不遲。不逢  
自在之宮。何得升入洞府。不得修煉之功。那有返本  
之日。可見仙佛之根基。乃人生之轉輪。人生之修持。  
卽仙佛之階梯。何也。天地未判之先。下界混沌。而上  
界之金仙。以及有修持者。不知有幾。亦混混沌沌。不  
知有下土也。及至天地已闢。下土乏人。皆由

洪鈞之主宰。發落下界。仙根佛根。道根皆接踵而下矣。  
如是下界之人。愈添愈多。而性愈壞愈滅。復源不少。  
墮落更多。有復源而再下者。有竟未復者。種種不足。  
余自開闢以來。煉性養氣。與陳氏同伴以修。同時以  
成。余位證太清宮中太和殿內掌玉籍司符籙。稱曰  
佑慈天尊宏蔭大帝。俯世護民天尊。陳氏職授瓊瑤  
聖慈妙道元君。因宋末時。內患不甯。外侮疊至。應劫  
下界。生於張姓名憲。陳亦同下。生於岳。得爲秦晉。雖  
有忠君之心。未得展志。逢朝廷之變。遇奸人之害。而

歿二世也。生於元。姓韓名光永。曾舉孝廉。因已不慎。錯于筆墨。被過而終三世也。生於明爲農。姓李名達。先汝之祖母生於劉姓。亦得配姻。以孝弟立功。轉此世。幸功過平平。逢

三清立自在之宮。乃得入門修煉。又逢升入洞府。則功行更深矣。况功果兩足。昨接

上帝之恩詔。

三清之飭旨。准其返本歸源。從茲永固真性。不沒不滅。亦余之幸。乃汝等超拔之力也。頃 呂仙邀余歸來。

一作後人之戒勉。一爲世人之修養。今已歸矣。家人不可不一見。今既歸來。以盡世之緣。以了兒女之私。不可不一訓。以爲後輩之銘箴。其爲人也。須盡爲人之道。以盡倫常之理。務有規則。以貽後世。而後輩乃可循規蹈矩。不然則紊亂不理。以至作亂犯上。規則者。凡有子孫。不可姑息。務教之以書。學之以禮。及至將來。或爲官也。商也。工也。農也。皆知書知禮。乃知爲人之道焉。爲人之道。所最重者。心。心務公正。心務和平。不得生貪婪心。驕傲心。是非心。偏曲心。心既好。爲

人必好。爲人好。作事更好。爲人故能心正。處世必公。處世者先治其家。家庭和順。則無吵鬧之聲。倫常不紊。家無怨恨之意。家既治。則無事矣。在外爲人作事。凡事循天理。事事盡乎良心。謹言慎行。敏事擇交。則無往不利矣。既能齊家處世。則須修身。修身之道。無難。人忽焉不察耳。修身者。修心也。修心者。養性也。養性之道。平其氣。固其精。安其神。內修其功。外培其果。能內外兼修。自然上超其宗祖。下化其子孫。中寡其己過。莫謂寡過未能。須知寡過者。寡也。苟安心不寡。

自然寡過。未能。若一步一趨。一言一行。件件防過。事事防愆。未有不寡過者也。而年輕之人。不知不識。或慕其功名。或貪其財利。不知自修。務趁知識漸開。曉以大義。明以是非。爲人處世。修己自明矣。務隨時教之。爲妙。况世道不古。邪淫滿目。後輩不可不教。以正恐誤。插足。挽之誠難焉。人欲家興者。無他法也。惟作善。作善須出真心。不可沽名。務竭力盡心。皇天自然不負。余今返本。愧功善缺乏。悔之不及。幸汝等踴于爲善。代培外果。乃能功圓果滿。余又何恨焉。惟許之。

十三經三千卷。佈送應速爲辦理。勿致遲延。以了四世之因緣。永保後裔之福果。再者。汝祖母亦有言曰。男子之教不可少。女子之訓不可無。婦女則更低。男子一層。前生少修。今生方成其坤道。今若不修。來世不堪設想。婦女者。務幽閒貞靜也。不可壓制男子。不可刻苦下人。務慈良。須賢淑。溫和處世。和順持家。有女當教。不可驕以成性。有媳當愛。不可磋磨於人。待下不可不寬。居家不可不省。處已須儉。待人必恭。公姑前盡之以孝。妯娌前處之以和。助其夫爲善。凡已

之力能行者。無不周旋。苟能如此。婦道盡焉。所云一切務望遵而行之。况人生如夢。光陰難留。趁有限之光陰。作一分功。有一分用。莫謂善小而不爲。莫謂惡小而不爲。果然事事盡乎禮。件件平乎心。自然家興人旺。而修己之功盡焉。趁神猶在。修持更易。若神一去。修持則難。務認本來之面。莫失始初之性。心性相通。則神氣相應。神氣應則元神現。三關不難通矣。三關一通。五氣必聚。五氣聚。本來面目見焉。本來面目見。則返本歸源矣。汝等不可不知。今夕子刻。上朝。



金闕謝恩以便初六午刻復位先由

三清謁見後再請

金闕首相同朝

上帝。余不久延。如有事請吾。吾立有願。願渡眾生。立請必降矣。今暫去也。

頃鍾子之祖父母垂訓。乃金玉之言。不但爲鍾氏之家訓。亦塵世之語錄也。鍾公夫婦各復原職。頃蒙佛祖賜公之佛號曰廣生濟世佛。母加曰慈惠永春佛。各依原職復位。此示。

己酉年六月初五日章紫珊公莊太夫人家訓  
夏日炎炎。薰風徐徐。蒲扇葛衫。我自如。一飲一歌。步天衢。慶賀筵開。首先來祝。返本原有自。歸源在幾籌。功圓果滿。上朝。

金闕吾乃

玉樞殿大學士朱降。

竹清風留韻。荷香最生涼。蕭蕭灑灑。飄飄颺颺。步天衢。無餘事。玩雲中有白光。不知不識。不閒不忙。或歌傲風月。或題吟雪霜。不管夏暑。那計冬涼。參我之玄。

玄妙妙。揣摩那陰陰陽陽。仍其本來面目。追其返照。迴光功有餘。果積藏。或立渡人之願。或設挽世之方。傳訓語以輔國。立壇場以整綱。勸人敦倫持紀。誠世遵行。

王章趁時修己。早覓慈航。以便返本歸源。免致墮落幽邦。况輪車易轉。本來易忘。自古及今。誰聞有修持之所有自在之鄉。蒙

三清之慈廣。

上帝之恩常。建宮于天上。修煉得妙方。可提入洞府。又准

返歸本鄉。其緣難遇。其恩最良。而章之親。有功于生前。修煉于宮房。今當功圓果滿。仍復頂上圓光。其樂何如。慶祝無疆。吾先作引導之信。特爲慶賀稱觴。生何酬之。酌彼兕觥。今章子之雙親返本歸源。吾先洒掃壇場。以備下降。彩雲繚繞。章子之雙親降矣。人之生也最苦。人之歿也最悲。苦何來。一生夢夢。或貪名逐利。或欺人犯紀。或敗壞倫常。或奸詐欺騙。或怨天以恨地。或罵雨而詢風。或溺愛子女。或偏護妻妾。或好色以忘義。或欺己以滅人。作盡天下之罪孽。

成其世界之惡人也。等等猶不知苦。殊不知悲從中來矣。待到兩眼一閉。方知已入幽冥。則見冥王判其某年某過。某日某愆。行行記載不爽。件件絲毫登明。罰其受何罪。入何獄。依然轉輪。悔亦遲矣。如之何不趁光陰。快修心性。莫謂修持無門。須知自心不專。果心專意切。而修煉之道易參矣。雖說道書難讀。易理莫參。而已之性易明。而已之心易定。心性定。道從中生。則陰陽不紊。水火自調。龍降虎伏。氣順神清。金木水火土。心肝脾肺腎。首先定心。次則伏腎。腎伏則水

不洩。心定則火不盛。水火既濟則氣調。氣調則精固。神清。如此關關通。竅竅開。則胎成矣。何曰胎成。乃結精煉氣。精既結。氣必凝。氣既凝。神必清。則胎成也。胎成出頂。則識本來之面。修我不壞之身。則可期返本歸源矣。吾入宮修持以來。其功行已圓。愧果少立。蒙

三清。

上帝。呂仙。各大金仙。

佛老。准其仍回西天。不再來東土。亦云幸矣。其樂何如。吾暫息香二寸。再敘始末可也。

吾乃西天慈航尊者保元壽世佛。汝母係西天渡化  
婆娑接引佛。因一念之差。應劫東土。生于貞觀三年。  
李姓名恆者。位至元宰。歿後位居桂宮筆錄仙官。因  
欲歸西天。貪功誤過。又于崇正二年。生于王姓。曾入  
庠序。官至太守。不慎于民。入幽罰罪。待到本朝。生于  
章氏。卽此世也。幸生平勤儉持家。喜作功善。憫愛窮  
人。嚴立家訓。故得無過。方入宮中。得其修煉。提入洞  
府。准歸西天。汝母亦生于崇正劉姓爲農。因爭界生  
訟。久而不明。吾爲太守時。方剖斷清白。結其緣。此世

成其秦晉。今亦得修持之妙理。亦准其返西天。此吾  
之大幸也。所欠之果。因前稟已先作實功。方稱功圓  
果滿。應速佈送十三經三千卷。以了吾之夙償可也。  
再者。爲人之道無他。惟溫良恭儉讓。謹言慎行。男秉  
乾綱。整倫敦紀。教訓不失於家庭。勤儉自約於己身。  
時行方便。廣積陰功。勿貪名以冒險。勿謀利以壞心。  
有子當教。勿使驕以成性。傲以自居。勿生輕世之心。  
常存卑己之念。樸素乃傳家之要。謹慎乃爲人之基。  
儉于己。寬于人。無事靜以自守。修持爲佳。如浮蕩嬉

戲乃壞品亂性之根基也。而女曰柔順。務和氣一團。勿羨人之富貴。勿貪人之榮耀。應守分安命。順時聽天。居家務時時檢點。事事周旋。况男在外。而內事爲婦女者。應時時經心。女在內。而外事不必入耳。待媳如待女。媳須親愛。女須教訓。凡賓客來家。待之不可不豐。待己不可不省。卽奴婢更宜寬以待之。凡有子女。更宜留心。不可大意。務省其寒熱。察其語言。務時刻管教。桑條從小。鬱教之宜。然而衣服最妙者。莫若布。切勿奢華。花費銀錢。况時世今不如古。一年艱難。

一年所入之數。一年少一年。所出之款。一年多一年。不謹慎節用。將何以堪。而飲食衣冠。不可不儉也。行善立功。不可不猛也。立一功。有一功。在不得拋棄。而人各有執業。或仕或商。皆先謀之。莫待老大無所執業。此事應早留心辦理也。况劫運臨頭。逃之不易。非有功不能避。宜早行。莫待臨渴掘井。種種爲人齊家之道。按理而行。看事而作。自然不錯也。而人各有因人。各有緣生。有來歷。不失本來之道。幸有返本之宮。莫隨風逐浪。愈趨愈下。到得想歸源之日。則難矣。况

人在世間。不問王侯公卿。富貴貧賤。男女在世。有何趣味。而轉輪如下梯。一步一步。欲上不能。而祖氣一失。不但不能返本。而人道亦不得也。如之何。既逢方便之門。胡不修持。以絕塵世之緣。是自苦也。若修持不二。免去輪迴。豈不大妙。吾今逢此奇遇。眞幸而又幸也。今蒙 呂仙 大士引朝。

三清

金闕同往西天。先禮

文佛。定于今夕。以便明午復位。永證蓮花。吾與汝母特

先歸訓。以盡凡情。將有後因未了之緣。吾必暗以護之本。欲逐一細訓。無非家庭瑣細之言。果能不背朱子之家訓。爲善之真心。則齊家之道在焉。又何必多于言乎。况 呂仙 大士在途。未克久停。吾與汝母今暫去也。後會有因去。天上並無神仙種。猶是人間忠孝人。恭賀章公返本來。俺宜慶祝賀長生。俺關降 頤章子雙親同返西天。俺特統領忠孝軍護送。特臨盤以誌其慶去。

己酉年七月初四日孫簡文公沈太夫人家訓

荷香納涼夜。秋聲聽晚蟬。憑欄我自得。歸去任盤桓。

呂純陽降。

人之不滅不磨者。性也。夫性授之于天。秉乎自得。不亂不煩。以顧天性。若沾紅塵之濁氣。世俗之惡習。亂其天性。則失本根。必愈趨而愈下。性難復初。氣棄其祖。欲還其始。則難矣。幸

三清之宏恩。

玉帝之大典。建自在之宮。升入洞府。果然功圓果滿。有位

者復其本位。無位者乃成金仙。我壇蒙

恩不淺。入洞天者不少。復源者亦接踵而還焉。孫子之父奎公。生母沈夫人。功圓果滿。七日返本。今來敘及始末。以為後人之鑒觀。頃已來矣。吾且退之。

子孫簡文偕汝生母沈降。

夫人各有根。性有所授。氣有所指。方成其為人。而人之生于世。或應劫而生。或應運而生。或遭貶而生。或應劫而生。種種不一。世人之行藏。不失其性者。仍復其位。若稍昏迷。則墮落矣。予原同。武帝救劫而生。

于漢末。姓簡名雍。同輔昭烈。嗣後坐鎮荆襄。共襄王  
事。武帝成聖後。予庸庸碌碌。又因幼年失節于人  
婦。故不能同爲復位也。則墮入冥間。罪滿後。于明朝  
崇正年間。生于鳳陽。乃一讀書之人。又無功善。惟侍  
母孝。歿後蒙 費祖招去修煉。而性不純。塵心未了。  
故生于此世。此世平允居心。無大過。亦無大功。及歿  
後。亦飄飄然無所歸。險遭人世蒙 呂祖慈悲。准入  
自在之宮。得修煉之道。又升入洞府。今能復其本位。  
亦幸事也。汝母沈氏。久在紫竹。修持有素。因一時之

性迷。遂遭其貶。初世生于本朝開元年間。晉中王友  
梅是也。曾入庠序。官撫州令。因判離童婚。獲罪入冥。  
此世罰爲女身。又不多于壽而歿。幸 大士挽救入  
宮。升補天上。亦可返本歸原。眞幸中之幸也。  
夫修道者。修心也。心純。心良。心慈。心和。心公。心善。皆  
近乎道。若心不純。不善。則墮乎獄矣。修道者。必先修  
心。心由純善。則悟空。悟去眞空。由眞空至無所空。以  
無所空至空空。道乃成矣。道旣成功。已圓。功圓必求  
果滿。而果培植。或將生前之功善作抵。或兒孫代培。



若果不滿終不能復其位。成不壞之靈根。予與汝母生前無果可抵。幸汝近五年來。竭力爲善。以汝之功。培吾之果。尙有不滿者。幸。呂帝大作保障。令印太上十三經一千零四十八部。予與汝母之果。方稱完足。而復位在邇。印經之結。雖具其價。未繳。恐有礙難。或先付一二。以作註銷此案。完全其功。其心則釋然。予初位。係

雷闕右相執法仙官靈威大帝遠震天尊。今更其位。昭明左丞相輔世天尊。感應大帝光昭紫霞普惠如

來佛。汝母仍復

紫竹林中普陀岸上慈悲妙道仙史侍蓮婆娑佛。佛

號乃今年酉天

法旨所加。

恩德更隆矣。予雖了卻塵煩。復歸本相。而兒女之私情。猶未已。不能不囑一爲人立家之訓。予家本人口浩繁。至今漸漸凋零。皆係後人之因不良。以致如此。今日也。應好爲培植。不難接其宗祀。爲人本分。何愁家不豐隆。况爲人之道。無他。端品行。慎言語。信朋友。敬

長上戒嗜好。行功善。教子孫。務事業。果能如此。家必盛焉。再者。汝自入此堂以來。頗覺誠心。竭力爲善。幼日之過。已洗。今之因果。將立。况近晚年。諸凡將就。得過且過。不必他求。最妙者。不如先行修性。修性之初。先平其氣。安其神。保其精。再者。以靜爲主。無事靜其心。有事靜其神。事煩靜其性。既能靜。則凡事看空。眼空則心定。耳空則性純。諸凡皆空。則無所好。無事時。眼宜常合。眼合則性定。說話時。聲音勻。氣則調。行動時。步宜穩。神乃清。睡時先合眼。不宜屈四肢。舒起來。

時開眼。伸其四肢。再下牀。須行二三十步。方可小便。如此行法。亦合乎修道之宗旨。亦延年之妙法。卽長生術也。汝其知之。今夕亥刻。先謝。武帝同往西天。

謝。恩。時不久矣。後訓不難。有所問。吾卽來也。因時已迫。暫與汝母去也。

孫公夫婦。復歸原位。賀賀。又蒙。

佛祖加以佛號。從此成大羅之金仙。永不壞之靈性也。可爲世人爲善之勸。亦可爲不立功之勉也。吾不久。

留去。

己酉年七月初七日蕭子厚公家訓

夫天地自開闢以來。

鴻鈞老祖傳教之後。則生齒日繁。男女漸廣。而天性逐漸其改更。祖氣愈覺其消滅。雖蒙

諸仙佛聖賢隨緣超度。無如人之性情。迷而不返。昏于名利之場。墮落于九幽之苦。欲求其性返本根。氣還原位。而不可得也。幸

三清開不二之法門。

上帝准入道之基礎。特建返本之宮。修煉自來之性。功深者。提入洞天。果滿者。得升上界。何幸如之。予自入宮修持以來。塵務頓消。玄妙已覺。蒙 呂祖之慈仁。提升洞天。今幸功已圓矣。果猶闕焉。欲返其本。復其位。而未能。昨初六日。忽然

三清之法旨下頌。

上帝之龍章頻降。准於初七日。一同復歸本位。稍欠外果。囑予後人。速爲培補。此莫大之宏恩。感激莫名。眞幸中之幸也。予乃七曲宮中右丞相。加福延壽紀錄天

尊宏仁大帝正大光明佛。蕭良培是也。夫人生天地之間。務尋其根。求其本。方不愧于爲人。而人之根本。一世傳于一世。一代傳于一代。務誠盡孝之心。追遠之念。切勿忘乎其本。失其舊有之訓。凡爲人處世。須謹言慎行。孝親信友。立功培善。不致愛酒貪花。吸煙好賭。以誤自有之福澤。失卻後日之善果。况有子孫。更宜種德以栽培。勿多積銀錢以遺害。有子當教。無姑息以養奸。有女當訓。恐累及于他人。凡居家一切。清白家風。端莊門戶。尙節儉。毋尙繁華。守本分。無得。

懶惰。教妻以正。待母以誠。凡能行之功善。竭力行之。凡能助人培德者。盡心助之。莫說爲善須錢。竭其力。功亦半焉。種種應行應爲者。勿推諉不行。種種不當爲不當行者。務痛心而戒。謹記于心。無違。神訓。况近五年來。汝在堂爲事。尙覺勤謹。所立之善。所記之功。頗不少也。務格外湧于竭力。切勿畏難苟安。凡事有始有終。切勿始勤終懈。毋蹈前轍。是爲至要。當惜寸陰如百年。務留美名於萬世。培陰地何若培心地。種良田不如種福田也。恪遵吾言。方不負祖宗之遺。

訓也。予此次返本。除已立功。及汝培果。尚欠卅果。應速備宣講書籍三百部。敬心佈送。補予闕果。不誤此囑。予原係文昌宮加福延壽紀錄仙官。因楚漢分爭之際。缺少治世之臣。受

上帝之命。帝君之旨。下凡治世。姓蕭名何。舉治政事。因定律太嚴。受誅而逝。因此上干天和。下起民怨。不能復其位。返其本。三曹過案千餘年。其中轉折。匪筆能罄。是以定案。轉生于元。姓張。名洪範。字仲疇。累立戰功。殺戮太過。幸有孝行名世。復逢嚴先生提出困

苦。道學終南。道雖有成。果未培焉。故然此世託身公門。正欲刪去嚴律。苦不能展其志也。恨恨。又未多立善功。不壽而歿。幸生前無大過。時蒙武帝之提拔。令予在四川重慶積善壇為鎮壇神。則盡心竭力。教誨勸人。從善去惡。頗積功善。坐鎮十年。時逢開自在之宮。求武帝開去鎮壇之差。入宮修煉。一年之久。升入洞天。今蒙

天恩。復歸本位。實呂祖之鴻慈也。本應回家垂訓。因期迫不及待。是以縷云來歷。敬煩柳仙。飭湖北江夏

福善壇蕭覺世知悉

己酉年九月初五日楊夫人家訓

吾乃

呂純陽降。

夫人之榮枯得失。以及聚散。皆無常也。雖云無常。亦有一定不移之機。有一定不改之緣。何者。種根基于數百世。結因緣于千餘年。而數世數代之榮枯得失。聚散。已先註定矣。况一身一世乎。而人之未生以前。榮枯有素。得失有定。聚散有常。皆已註矣。既生以後。

則安而行之。不能絲毫之阻滯。傲數而行。及三教之下降者。乾坤不少。其氣已闖千百世。已歷億萬年。不能復其位。還其氣者。不知凡幾。今蒙

三清開自在之宮。修持有素。還本返原。幸喜真詮。此雖未定于當年。莫非預定于此世。皆有定數。莫可轉移。今當逢吉之母。返本復位之時。預爲歸家垂訓。吾已飭。梅子往迎去也。遲香二寸。卽降。吾且退。秋月明如鏡。江天一色新。桂香飄塵世。飛鸞返家門。吾乃

善才童子伴。楊仙下降。吾不多言。復命去也。  
人生何所樂。榮華與富貴。富貴眼前花。榮華如酒醉。  
光陰匆匆去。反落一身累。生原空手來。仍然空手睡。  
無來並無由。終覺無趣味。何必貪榮華。何必求富貴。  
不若求諸己。明心與靜慧。修持性中天。龍虎兩相會。  
緊拴猿與馬。不惹凡間罪。飄飄而洒洒。清淡求無愧。  
予本天上客。因心一時昧。失足下凡塵。三嘗風波味。  
今幸功果滿。依然復本位。  
予瓊瑤宮中靈飛聖母鍾楊氏降。

予本瓊瑤宮中靈飛聖母。因三教下降之時。乾坤疊  
降。皆有一定之數也。至宋時。投生蘇姓。頗愛詩酒。不  
知女道之艱難。不愁中饋之安置。終日昏昏。詩也酒  
也。自閨中以至適人。皆如是而已矣。所以此一世不  
功。不過仍返天堂。轉女以成男胎。生于明。姓唐名寅。  
又誤以詩酒。自謂風流。不知風花雪月。乃是誤人之  
根。雖負兩世盛名。皆有過而無功。幸其中結有不了  
之緣。故依然為女。以補未了之因。生于此世。幸蒙  
呂仙不次之恩。數次提拔。得入自在之宮。又提升天

府。今幸功圓果足。得復原位。何樂如之。今既歸來。而兒女之私情。夫妻之因緣。不得不一敘。暫停香二寸。容予一見。再言可也。

夫人之修持。不問男女。皆求諸一心。心與道合。道則不遷。心與道違。道則遠矣。凡事以一心為主也。心者性也。性純則氣靜。氣靜則神通。欲求明心者。先靜性。而性乃天所授。初生必善。務以善養其性。勿使性昏。性迷。所以云養性者。靜其性也。而性在有無之間。可昏可明之間。務有一定之主腦。一定之把握。如燈有

油則明。無油則昏。須用意以守之。使其常明。不使其昏。皆人之自守也。而守之法。乾道者。事未行。先思之。與道合者。與性合。莫放蕩不思。昏迷自墮。凡富貴功名。天所授者。受之。莫妄求。莫貪圖。如貪求者。則不合乎道。即不合乎性也。坤道者。隨夫之榮。更不必貪。應守本分。治井臼。教兒女。明道理。不爭不驕。以己之心。度人之心。責人之道。責己之錯。務求一家和順。大小親愛。勿愛親以間疎。勿損人以利己。此皆明性之功。在乾坤二道之自爲也。予本生修積有限。功果全虛。



緣結半生。愛不終世。此人所恨者。自一病不起之後。心緒百結。憂不能釋。別夫于半途。棄康兒于幼稚。一旦撒手。最所恨者也。回頭思之。愚之甚矣。而緣有淺深。情有斷續。又何憂乎。幸君立功不吝。超予于自在之宮。何樂如之。安心修持。不敢放蕩。蒙

三清之提撕。升入上界。則功習大乘。難期滿足。又蒙

呂仙之宏慈。得其功果圓滿之文憑。復歸本職。亦莫大之幸也。自今以後。願君爲善不二。修持有恆。明心性。以見如來。修真詮以證上果。諸凡明心靜性。順理

聽天。處家以和順。教子以義方。明大小。安本分。無貪無偏。無憂無慮。果能得其道。明其德。自然參其妙。知其玄矣。况人之榮枯。非人所能求而得者。又非人所能舍而去者。皆有一定之造化。一定之天理。今旣辦過班。亦美矣。亦善矣。免去州縣之累。落得一身之安。况各有福分。非人所強。將見興隆。可藉此以立功。此皆培果之機會也。務順以行之。康兒鎔兒等聽之人。貴有志。立志在先。志不立。一身則庸庸碌碌。其何以爲人乎。而立志者。讀書應用其心。盡其意。勿貪嬉戲。

勿誤光陰。若朝日昏昏。返躬思之。誤人耶。誤己耶。何  
不思之慎矣。而康兒汝一身坎坷。自小及今。難遇順  
時。予言之不覺淚下。幸汝明其理。尙知修持。亦不幸  
之幸也。而汝之來根頗大。與予之緣頗深。尙有未盡  
者。汝須大加修持。明心養性。爲善立功。待到功果周  
隆。必證乎天爵也。務謹持道德。切勿失足。致若爲人  
之道。孝弟而已矣。單妹乃明理之人。諸凡仰託。務使  
家和爲妙。予必暗爲呵護。佑其麒麟早降。福壽咸康。  
致若女等。務必趁小以教之。勿驕養成性也。予所前

結之冤。蒙誦經已經解釋。所培之果。剛足其數。予意  
覺不滿也。君可否代送大士女訓二千。以救坤道  
之無知無識者。予意以足。君德以培矣。豈不妙乎。予  
來已久。尙往紫竹。同大士謁見

斗姥慶祝

九皇不能多延去。

頃靈飛聖母駕往紫竹。所云之歷史。皆明白曉諭。今  
得其復位。頗不容易。幸已返本。可喜可賀。西天尙有  
法旨。尙未頒到。大概重陽日。必加佛號。今預爲賀賀。吾

呂亦去。

己酉年九月初八日繆樹德公王太夫人家訓  
九月天氣正新霜。滿城風雨近重陽。試問螃蟹肥也  
未。切莫辜負菊花黃。

朱降。今夕繆君之雙親垂訓。已同吾降盤。務令繆  
子伺候。吾且暫退。

子乃繆之父復歸。

紫霞宮掌握印綬真君是也。子乃繆之母。復歸  
青陽宮執旛侍者是也。嗚呼人之緣分有淺有深。及

父子夫妻。莫非冤緣二字而已。緣之美者。成其好。因  
緣也。冤之深者。成其惡。因緣也。無論冤緣。皆有聚有  
散。聚散之期。人不可料。天亦難測矣。如子自漢隨  
武帝以降。世生於西蜀。名譙周者。自先帝入川以  
後。功過平平。歿後未復其位。習道于終南。修煉有素。  
恨外果缺乏。又轉生于明。崇正年生於吳。姓名惠吉。  
幸列膠庠。無如性迷不悟。以訟師爲自能。幸未損人  
之命。而記過不少矣。如此功未立而過隨。不但難復  
其位。兼因沈淪。幸蒙武帝提拔。轉生此世。而此世

爲商有年。銀錢交涉。未嘗負人負己。一生本分。常守  
樸素。以節儉自居。以勤慎自保。待到髮逆之際。曾焚  
券。深恐累人。少施濟以救貧困。待到同治三年清平  
之後。則兩袖清風。一心直正。雖少蓄積。亦不能如初  
矣。久欲再爲興創。而一病不起。醫藥無功。乃大數之  
有定。非汝能所挽也。予歿之後。知汝尙能克勤克儉。  
仍復舊業。亦可謂體予之志也。旣而汝來鄂垣。予亦  
知之。而能不驕不傲。尙慎尙勤。今能立其業。教其子。  
治其家。不落人後。亦云幸矣。况汝當此暮年。修持要

緊。幸入此不二法門。卽歸宗落葉之地步。務多作功  
善。廣加培植。莫起吝惜之心。莫生不捨之念。殊不知  
人乃空手而來。仍是空手而去。雖說子孫繁盛。將多  
包纏。而兒孫自有兒孫福。何必與兒孫作馬牛。尙且  
最要緊。子孫不能保其己。妻女不能衛其己。神亦不  
能護其己。可保可衛可護者。惟善以爲寶也。何不趁  
此光陰。多加培植。又何怕妻女之吝惜。又何畏子孫  
之阻撓。况公修公德。此言不誣也。再者。子孫之間。務  
教之以正。皆先給以事業。禁止嫖賭。莫使損人害人。

莫使以驕奢傲慢。治家以勤慎爲主。待人以寬厚爲心。務守樸素。安于本分。此治家處世之要也。予自此世入冥之後。又逢武帝之恩。得汝超薦之力。方入返本歸源宮中。轉升天府。盡心習煉。此次與汝母內功雖圓。而外果實缺。又蒙呂仙准其令汝代培外果。能與汝母復其本位。汝所代培之果。應早完結。切勿拖延。使予不安。汝其自酌之。勿負神恩。再者。汝母有訓。停香二寸。予自在青陽宮。毫無塵念。因動凡世憐憫之心。欲度世人。卽轉世爲明之劉姓名光遠者。

由庠生爲重慶令。與吳惠吉卽汝父有緣。在官十年。毫無善政。歿後既不能復歸本位。又其緣未了。故又生于此世。予自幼卻守女規。毫不自亂。既于歸以來。克儉克勤。安守本分。撫育汝等。用盡心機。不敢稍自荒唐。及髮逆時。多受驚恐。誰知壽算有定。竟不能與汝等長聚。幸汝與媳教子有方。成家不苟。頗體汝父之志。亦能樸素。亦可喜也。予自提入宮中。專心修道。提升天府。更加勤修。今復本位。神之恩。亦汝之力也。致若女人之道。幽閒貞靜爲本。操持家務。收檢一切。

宜慎宜勤。切勿驕傲。切勿使性。待媳須寬。待女須嚴。待人須厚。待己須節。銀錢須不亂用。爲善不可吝惜。居家之道。和順爲貴。禮儀爲先。切勿欺詐。切勿滿假。凡衣服飲食。皆可節儉。而門戶燈火。自當清理。而井臼一切。皆宜講究。此爲婦人之道也。汝應格外爲善。不可有始無終。所說一切。務當謹記可也。今夕朝拜三清。不可久延去。

頃繆子雙親垂訓。乃金石之言。可當座右銘也。西天佛旨。明未降臨。大概皆升佛號。吾今預爲祝賀。賀賀。吾

朱去。

已酉年九月初八日。姚銘三公黃太夫人家訓。吾乃柳降奉。

呂帝之命。前來知會一切。姚子之父念楊。明日復歸。太清宮紀錄仙官朝陽大帝本位。母黃氏復歸。

紫陽宮度世元君本位。子孫輩開單呈候。賜名可也。德在心兮。道在微。孝心感格。有攸歸。培因種果。誠中得。天賜綿綿福祿。隨吾。

呂降。夫人之造化有定。因果有憑。雖有造化之機。

實因果之所致也。中庸曰：所謂誠其心者，毋自欺也。吾自開化以來，壇立三千，弟子不下萬人矣。有至誠不改者，有不遂意而生退悔者，有中途而廢者，有來壇一二次而不來者，有不孝不弟者，有不忠不義者，有反面而生謗毀者，有詈罵者，種種惡習，不勝枚舉。此次姚子之父母回家垂訓，因恐其子孫等不信，此縹緲無憑之事。吾深察之間，有一二人不信，只可不信於心，不敢不信於口也。夫人尙且有信，而神豈無信乎？人之信能信己，則能信人，己尙不能自信，而可

輕信於縹緲之事乎？有則勉之，切切瑣碎之事太多。今吾不暇指示，已將姚子之父母帶歸，可上盤垂訓。洞天清靜本無爲，今日歸來覺自非。兒孫滿眼誰誇樂，果足功深入太微。吾乃

太清宮紀錄仙官朝陽大帝姚念揚是也。

繁華是夢一覺千年。吾本太清紀錄，因錯綜仙冊，受謫人間。初劫乃前唐狄公東遠，爲人正直，教子成名。生前喜放生戒殺，身後蒙

上帝嘉獎，命吾轉生於北宋，姓張名德輝，經理鹽政，家頗

小康。壽享八十九歲。一笑而終。身後

上帝查吾生平功善。毫無實積。是以此生又轉生於浙江姚氏。幼習孔孟。未成。既棄書讀律。宦游蜀楚。數十年。東奔西走。毫無建樹。幸教子有方。一二成名。其餘諸子孫。後亦各就有職。此吾不幸中之大幸也。老三來。本來無事。是爾自擾吾清夢也。呂祖今日申刻。來洞大呼曰。姚老先生。汝大功成矣。尚在此靜坐。何爲。吾笑而答曰。何功之有。呂祖曰。汝子某大立善功。超爾夫婦歸位。汝今功圓果滿。隨吾回家垂訓於子。

孫。勉勵於後輩。使知培善培德。於子孫有益。宗親亦有榮幸也。於是隨鸞到家。反令吾生一片悽惻之心。纏綿之意。汝既已歸隱。大屬美舉。居家不可不謹。教子必須以嚴。處內不可太拘。待人至誠忠厚。善心切勿退悔。精神務宜調養。汝既入道門。何須參禪打坐。任其自然。乃天道也。吾悟透一理。今無外人。吾親口傳汝。不知道者。切勿輕道也。汝明仙字之理否。人秉天地之氣而成。仙秉三才之氣而成也。山字一畫。乃天之一也。二畫。乃地之甯也。三畫。乃水之精也。三畫



歸一。卽仙道成。悟得山之成形。卽知仙之凝氣也。心中之血爲精。乃母所授。腎中之氣爲命。乃父所授。心中之性曰意。曰神。曰魂。卽汝之本來面目也。女子修道。顛倒而已。三氣歸一。子道成矣。吾不多囑。汝自勉之。老五來。汝宦守京都。終無大益。不若出京。在外省就一職。似覺妥善。汝意何如。心中總宜寬和。不可拘謹。交友更當謹慎。待人總以和平。內須以嚴。外不可苛。訓子以孝弟爲先。耕讀爲本。不可專習時派。有誤正經。老七來。汝兄弟雖非一母。總不可生異心。汝生

母陳氏。現今內功已成。尙欠外果。汝須竭力爲善。以培其果。切勿置之度外也。老十及振城。現在何方。有機緣否。吾知之矣。汝母黃氏。現今回家。因兒孫之滿地。惹意外之情。奉現在前房。悲傷不已。吾令其垂訓。伊嗚咽不能上盤提筆。請吾代示。汝母曰。我無多言。惟囑吾媳王氏。強氏等。好爲撫吾孫。及孫女輩。總以善教爲法。居家無非勤儉謹慎。各有各人性情。最難調也。小子之言。以不聽爲是。用人待以寬厚。逢生辰喜慶。務從儉樸。要知銀錢聚之不易。戒尙奢華。有用

之錢。不可置諸無用之地。設若暴殄天物。亦折福之原因也。各人自謹。切勿忘汝姑之訓。吾女何在。汝母尚在大為傷悲。可同老三相勸。幾旬。汝母曰。所最思者。老三一人也。記得在永安任內。背其看花游玩之時。累汝朝朝不倦。今日脫然不累。及吾兒亦幸事也。既蒙 呂祖之宏慈。

三清之仁德。將我二人提升洞府。現又復歸本位。此真千古之奇緣。古今之所未聞。未見汝等不可視為易事也。孫輩太多。不能一一傳訓。汝三人當代為從容。

教誨可耳。吾下位。停香一寸。 呂祖尚有吩示。

呂訓姚子之雙親。同日成道。乃古今未有莫大之天緣也。婦孺之思想。何能如是之了了。切切懇懇。諳諳無柰。汝母現在大放悲聲。痛哭不已。此亦由感之所致也。今日時已迫矣。不能久延。如欲詢問私事。且俟隨後再回家細訓。未為不可。吾今為姚子賀也。賜喜酒三鍾。闔家同飲。以保延年益壽也。時已至矣。吾帶領爾雙親。及各姓眾靈朝。

上帝

三清之後卽各歸本位去矣。

已酉年十月初一日溫太夫人家訓

傲骨不畏寒霜冷。

文帝降

東籬猶見菊花黃。

關帝

素色不亞梨花貌。

呂降

松柏同耐嚴冬涼。

大士降

世界之慌慌。人心之惶惶。治之亦難。挽之猶難。誠不可救藥矣。嗚呼。世道人心。亦因天時。而天道亦由之。氣數矣。當斯劫運重重之際。人心昏昏之時。如夢如癡。非驚之以雷。不能返躬自思也。吾等以劫重難挽。各懷悲世憫人之心。特立之以訓。名曰當頭棒者。亦欲警惕之意也。所著三篇。立速刊刷。限於十五佈送。爲始。以便挽回人心世道。許送若干。必如願以償也。諸生體之可耳。今乃 溫夫人復歸西天垂訓之日。

此刻已在自在宮中。停香一寸降。吾等不久延去。空去色中相。復還我與人。非儒亦非道。靈根又重生。吾乃

紫英殿憫世元君臨。

心本無塵。偏惹塵垢。性本自靜。竟生煩惱。靈鷲嶺中。不生不滅。西天佛地。自在自如。已成不壞之金身。永結長生之果實。一念有貪。出西天以入東土。三皈不犯。何至由天上而到人間。色染入心。先沾入眼。有違西天之法章。則來紫英之執事。又因一誤再誤。皆劫

之又劫。降塵投生人間。曾轉曹娥之女英。心慧性俠。旣生溫氏之望族。性純心慈。無是非以沾身。無煩惱以自苦。按其女氏之準繩。操持井臼。循乎道理。以自守。相夫教子。不以榮華自矜。不以勞苦自怨。謹身節用。未慳吝以居心。寬仁厚德。不欺詐以爲人。生男育女。皆盡心以撫育。完婚嫁娶。皆竭力以維持。大數有定。天運難移。入冥途以歸天上。進歸源以升洞天。復來東之本位。返西天而未能。吾常自靜其心。自明其性。空去色中之色。參來道中之道。種菩提已久。恨不

發生記舍利有素。莫還其光。皆功不深也。果猶欠乎。幸老二之明理達問。知功培果。許火流之星。濟水涸之缺。今五行相因。三花聚頂。入西天以禮。

如來別東土以接金剛。從茲三皈永守。五戒常明。一心頂禮。諸佛滿念。修持般若。舍利重明。菩提穩種。本無二意三心。今則不然而兒女之私。骨肉之聚。又不得不揮其淚。以敘骨肉之情也。今當劫運重降之際。乃人心反常之日。凡事皆順乎天。盡乎理。應乎數。聽乎時。以行之。不可稍為強勉。聽其天命而已。最妙者。惟

善為寶也。今吾門生齒日繁。當好以教之。守朱子之家訓。成詩書之人家。有子當教。有女猶教。雖至愚至陋者。務讀之以詩書。命之以執守。切勿由其戲嬉。自誤終身。此理不可不悉也。而宦海風波。最險最毒。宜其慎以行之。是道則進。非道則退。不可稍自含糊。而居心處世。最有益者。溫良恭儉讓。乃護身之寶也。仙佛之道相同。而又有不同也。何以故。煉氣則一。修性各殊。仙修性靜。有可不靜之處。如悲世憫人。挽劫渡人。不靜不為過也。佛老則不然。性必靜中之靜。無

一物無天地人無而已矣。空中又空。空其無所空之空。方稱靜性。修佛更不易也。修佛者必先修仙。乃可而西天未必無慈悲之心乎。其理不然。修性者求其無已成者。必須有總之由空而入。避其色相。諱其我人。如我立于空空之空。必無所見所聞。則空自空矣。達摩下降。迎駕。坐穿蒲團。不爲功。鏡裏鮮花圖自榮。空去人相壽者相。大道全在在無中。西天達摩佛降。

佛者。人弗也。人弗佛。我自佛。非佛無欲人佛。人自弗佛也。而佛非遠。亦非定在西天。祇在方寸間耳。心卽佛。佛卽心。心中有佛。眼中有佛。能空其心。自然是佛。能空其眼。自然見佛。可歎人不空耳。果能空。立地成佛。鍾母本西天之婆娑。如意光明自在。無量壽佛。今已性返本位。道入佛宗。依然歸于佛位。仍返西天。吾特接引朝禮。如來初四返其佛位。目下東土劫大。吾等亦爲之挽救。恐劫終不免。呂帝等所垂之當頭棒。應速爲傳佈。

火流星卷二  
可也。吾同無量壽佛去也。

附己酉年九月初九日未刻

佛旨

牟尼文佛詔曰。佛日增輝。法輪常轉。居趾極樂世界。本來清靜無塵。無憂無患。不滅不生。其樂也何如。其靜也可知。可憫者。東土眾生。擾擾紅塵。不知空去色相。竟陷名利兩關。朝夜奔忙。何所底止。致使元陽難復。祖氣不收。幸開不二法門。收復三教等眾。習功近道。返本還源。予佛亦爲之三教幸。所有復位者。特加佛號。將爲入西天之接引也。今加太清宮紀錄仙官朝

陽大帝光明慧佛。青陽宮度世元君如意壽佛。瑤池宮靈飛聖母如意敏佛。紫霞宮掌握印綬真君。眞定尊者。所加佛諱。仙凡一體悉知。此詔謝恩。頃西天。

佛旨降于考校。吾親捧至宣讀。可見佛祖之慈悲。恩大德重矣。而返本復元。本不易易。我壇竟有十名。可見功善倍于他壇。尙未復元。以及未升洞府者。果能立功。未嘗不如願以償。吾朱示。

附己酉年七月十一日

純陽祖師訓諭

修道誠不易。功善培更難。若求果圓滿。尚望子孫賢。吾呂降。夫修道之一途。原不易易也。况復其位成。其金仙乎。更不易易。非前根之重大。來歷之根深。此世修持有素。能悟通玄妙。參透色空。方稱其功圓也。而善果者。與功相輔而行。有功無果。不能成其道。有果無功。不能證其仙。二者兼備。方准返本復源。功成乎上界。所以數年來。自建自在宮以後。入宮修持者。



眾求其上升洞天者少。何也。或根不深。或氣不聚。或性不純。或果不備。稍功行深者。果猶培焉。考試後必獲入選。此雖不易。猶可期望焉。惟返本復源則不同。不但功極大乘。道深祕旨。尚須補數世未完之過。培數世未盡之功。再培成天仙之果。方能返本復源也。況自入洞修煉者。人亦多多。此次僅八位復位。可見難之又難。共復位者八數。吾壇居其多數。可見吾壇之弟子。平日爲善之踴躍。作事之求實。並無推諉不前。虛糜不慎。不然。何致汝等之祖父。復位之速而快。

也。此一壇而論。再者。各人而論。亦可分其優劣也。近年來爲善立功。皆稱竭力。培果植德。諸凡盡心。雖說施藥施米。施棺宣講等。捐助踴躍。而刷印經典。以及善書。更稱吾壇第一。而培果立德。如之何。刷經送書也。況送書一事。恐有不能遵信者。恐有爲外人道者。殊不知不然。春秋亂。孔子出。繼而孟子大儒重降。皆挽風易俗之才。當世道不行。則著之以書。立之以說。天下最亂最荒。書愈出愈多。以爲後人法。以爲挽世計。今日也。民氣不通。異端崇信。孔子之道將沒。吾等

以經傳世者。收其根源返歸也。著其善書者。以挽風易俗也。況此次培果。或升入洞天。或復其本位。令刷太上十三經者。一酬

三清之恩。二收未復之性。使根深者。閱之性即返。知入其修道之門。不致流入邪徑。猶恐人以道爲無稽之談。故著以火流星。內談其道之宗旨。並入宮之妙。升洞之美。復位之榮。附列家訓。有人可稽可考。道之一途。可見不虛。令汝等培果。刷經送書者。恐爲他善。不能徑達於上。刷經印書之功。記冊速而備焉。

附己酉年七月十九日

明陽祖師訓諭

我相原非我。空中色不空。陰陽乃二炁。道藏一粒紅。吾乃

明陽祖師降。

夫講醫學者。不外乎道也。講性理者。亦不外乎道也。三者名雖殊。究屬一致。而悟道之人。參其五行。參其二炁。殊不知卽心肝脾肺腎陰陽而已。故悟道者。通其醫學。醫者近乎道。此內功之相同也。外果者。講倫

常明綱紀。濟人利物。修善種德。此性理之學。乃外果之培也。故云三者合一。乃成其道。夫三者必先講究性理。次學醫道。二者功深。其道不悟而自悟。其功不參而自參矣。况修道非難。先須穩其心性。明其陰陽。空其色相。果能如此。其道近焉。吾頌護

玉駕至西北。救劫歸來。同。呂友降此。以觀堂之善氣。果然人心歸一。作善求實。殊堪嘉賞。再者。火流星亦應速刊。此示吾退。

